

Vg
468



QK 197, 19 m

Vg
468



**Vnerricht wie ein
Christen mensch**
got seinem herin teglich beich
ten sol Doctoris Urbani
Kegij Thumpredis
gers zu Aug
sfurg.

Gedruckt zu Leypzig
durch Wolffgang
Stöckel.

BIBLIOTHECA
MEXICANA

UNIVERSITÄTS-BIBLIOTHEK
HALLE
(SALE)

147

[Faint, illegible text, likely bleed-through from the reverse side of the page]

[Faint, illegible text, possibly a stamp or signature]

W
der
den
glic
spie
der
uid
hab
vor
vbe
die
cap
vñ
den
din
V
ken
ich
lich
No
Fra
ch
ner
da
sa
vn
die
we
wi
de
ter



Wie ein sunder got beichten sol.

¶ Ze vnd der mensch sein ware büßwert:keyt beweyßt
der kirchenn/ mit demütiger gehorsamme der beicht vor
dem Priester/ sol er vorhin seyn sund got dem herren her
glichen bekennen. Als der offensunder hat gethann / der
sprach auß grund seines hertze. Herz biß genedig mir sun
der Vnd als zu mehr malen gethan hat der prophet Da
uid/ als er bezeugt am. xxxi. psalm/ da er spricht. Herz ich
hab dir eröffnet mein sund/ vnd hab mein vngerechtikeit
vor dir nit vorborgen/ ich hab gesprochen/ ich wil mein
vbelthat dem herren bekennen/ vñ du hast mir vorgeben
die böshheit meiner sund 2c. Item Joannes an dem ersten
cap. spricht/ wir sollen vnser sund got bekennen er ist getrew
vñ gerecht/ das er vns rein mach von vnser bösheyt. In
den wortten werden wir vndericht das wir got vor alle
dingen beichtē sollen/ dan er ist der / der die sund vorgebt
¶ Nun mugen wir im beichten/ etwan mit dem mund be
kennen mit wenig ader vil wortten/ wie der mēsch gesch
ickt ist. Meins beduncken mag er sich erinnern vñ ernst
lich gegē got anlagē mit solchē worttē wie hernach volgt
Ach mein got/ mein sundige seel begeret dir zu bekennen yr
frantcheyt/ aber ich weys nit wie ich dich sol nēnen/ spri
ch ich/ mein her/ war/ich du bist ein herz aller herren dei
nem gebot dienen himel vñ erden vñ was darin ist. Wie
darff ich aber dich ein herren nennē/ die weyl ich vngehor
samer armer sunder so offst ab deinem dienst geloffen bin
vnd hab deinem feind dem bösen geist gedienet. Solich
dich dan ein vatter nennen/ wie du dan von vns genendē
werdē wilt/ so erschrickt mein arme gewissen/ dā ich weis
wie ich von iugent auff biß auf die zeit/ nie nichts gehan
delt hab/ das einem sonwol anstet/ ader allein einē knech
te/ vnd noch vil mīnder einem taglōner/ ich hab mein erb



ceyl gnediglich von dir empfangen/das ist/ mein vor
nunft ein willē/meine funff sin/mein leib vñ seel/vñ hab
sie in einem ferre yruigen land der laster vbel vorzert. Sol
ich dich nennen ein hirtē ader ein erlöser/so vourteyl ich
mich selbs/dan wiewol du bist der getrew hirt/der sein
edls lebē hat dargstreckt fur seine scheslein/ sol in doch
ich das yruig rewdig schaff/das des hirten slūm nie hat
wollen hören. Solich dich dan mein got nēnen/warlich
du bist mein got/ vnd ist kein ander got dan du allein/
aber ich muß mich seer vbel schemen/ dan ich hab die eer
so dir allein zugehört/den creaturē geben/auff welche ich
mehr auf sehē hab gehabt dan auf dich. Warlich da bist
mein oberster herz/mein guttiger vatther/mein getrewer
hirt vñ erlöser/mein einiger got/aber ich hab mich mich
meinen grossen vilfelligē sundē vnwürdig gemacht/ auß
zusprechen dein gerechtigkeit/ ich bin nit würdig das ich
deinen heyligen namen durch meinē befleckten mēdt nen
nen sol. Noch ist ein ding das mich ellendē vorlassen sin
der tröstet/nemlich dein erbermd/welch wirt vbertreffen
alle deine werck. dan yr ist kein zal vñ kein end/ alles was
an mir ist solt billich allein deinem dienst vorpflcht sein/
mein leyb solt dein tēpel sein. O wie hab ich den selbigē
deinen tempel/so mit vil schendlichen lastern entweycht
ich solt den selben reyn behalten vñ geköstiget/vñ in vnd
tenig gemacht haben der seel / zu erfüllung deiner gebot.
Ach got so hab ich leyder den leyb/vñ alle meine sinn ge
braucht zu gefallen dem bösen feindt vnd der welt. Ich
hab mein gotformige seel mit vbung aller vppikeit:in al
len yren kressen verwust/vñ dein heylige bildnuß verpli
chen. Ich solt mein vornunft allein gebraucht habē zu er
farung deines heyligen willens/in der götlichē schrift/so
hab ich sie zerut vñ yruig gemacht/ mit bösen gedäcken
vñ radtschlegen allerley sund zuuolbringē. Mein wil solt
allein dich als das höchste gut begerē/vñ alle andre ding

was deinet wegen lassen/so hab ich den mit vnordentlich
edliche zu der welt vñ mit vnlautteren vñ fleyschliche be-
grüde ganz vnderet vñ wüst gemacht/mein gedechniß
solt allein dā. f. arlichen betrachten die gutheit deiner ge-
nedigen befehlung/das du mich blinden sunder so offst er-
leucht hast vñ mir genad geben mein sund zuerkennē/be-
royren/bellagen/vñ mein lebē zubesserē/so hab ich mein
gedechtniß allein mißbraucht/zu betrachten fleyschliche
werck/vñ in vorgangner sund vñ künftiger zu gedencen/
ein l. gweyl vnd freud gesucht/vñ also ist nichts ganz
vñ gesunds an mir/wed an leib noch an seel/das nit vor-
macket vnd mit bösem willen vnd schentlichen werck-
en vbel von mir mit mutwillē werwust vnd zerissen sey
Abe. du ewiger got bist barmhertzig/du hast den vorlor-
nen son lang zugehē/vñ gedultiglich seiner widerkes-
rang gewartet/du hast mich vnder dem schweren vber-
schwernlichen last meiner sund/nit lassen erdrückt vñ er-
steckt werden in entlich vnpußwertikeyt/sonder du hast
mich gnediglich beruht/das ich widerkere/vnd ein an-
ders leben anhebe/du hast gütiglich den altē bösen men-
schen in mir anheben zu ernuern/mit der heilsamen ertz-
ney warer penitētz/wiewol ich leyder deine geboth alle/
mutwilliglich/f. enelich/vñ bößlich hab vbertreten/als
ein trugloser flüchtiger knecht/mit bösen gedācken mei-
nes hertzen/mit verwilligūg meines willens/mit dē mūd
vnd mit den wercken. Ich hab gethan was mir verbotē
ist/ich hab gelassen vnd versaumpt was mir gebottē ist/
mit meinem bösem leben meniglich geergert/in wider-
wertigkeyt vnd leyden das du vber mich vorhengt hast/
mir zu nutz/ich bin vngedultig gewesen/in gluckselikeit vn-
danckbar/dein ermanūg vñ götlichs einsprechē hab ich
veracht/vñ im nit stat geben. Kurtzlich/alles mein thun
vnd lassen ist ein lautere sund. Wen ich beth/so klag ich
mich selber an/als ein vbeltheter. Wen ich bit/geheiliget

werd dein nam in mir. Ach got/wie wirt er in mir gehey
lige/so ich mein leyb vñ seel dein tempel/mit so vil vnrei
nigkelt vorunere? Ach got wie gar weyt ist dein reich vñ
mir/dieweyl in mir der alch Adam/als böse neygtig/zu
zun/neyd vnd has/vnkeuscheit/geyzigkelt/weltliche eer
hochfart/vñ der gleichen böse tück noch so starck regiren
Warüb bit ich Dein wil geschehe? Nun bin ich doch in
eigner liebe so gar vorblēt/das mir mein eigener wil vber
al wol gefelt/vñ ich brich in nimmer/ vnd widerstreb allen
denen die mir in brechen wöllenn. Ich beger das teglich
brot deines worts/vñ hab doch ein vnwillen darab. Ich
weyß auch nit wie recht ich beger ablaß meiner schulde/
dieweil die liebe gegen meinem negsten gantz kalt in mir ist
Warlich ich bin der schuldner im Euangelio mit zehen
pfunden vñ laß doch meinem bruder nit ein heller nach.
Ich beger von dir/das du mich nit in versuchnuß einfu
rest vñ bin doch mir selbs ein vrsach vil böser ansechtung
dan ich such mutwilligkelt vrsach zu den sunden. Zum
letzte beger ich erlösung vor allem bösem vñ greyß doch
nach allem vbel/darüb forcht ich mir/so ich hor vñ dem
stein darauff dein semlein ist gefallen/vñ ist auß mangel d
fencht. Keyt verdorret/dan dardurch erken ich mein eigen
hertz/in das offst felt das edel samlein des heyligenn gots
worts/aber es mag nit auffkommen/also herth ist mein
hertz auß gewonheyt der sund. Aber meiner sund ist mer
dan das ich sie mug erzelen. Alles mein lebē ist vol sund
Allein ein ding erhelte mich trüb seligē mēschen/ vñ sencket
in die tieffe pfütz aller laster/das ich nit in der erschreckli
chen vorzweyflung vnderghe. Welich das ich wol weis
wie die vile vñ größe deiner gruntlosen barmhertzigkelt
vbertrifft weyt/größe vnd schwere meiner bosshelt. Du
wilt nit den tod des sunders/sonder das er bekert werdt
vñ leb. Darüb kom ich armer betrubter sunders/aller hilff
entsetzt zu dir meinē einigen trost/als ein tödtlich kräcker

zu dem rechten artze / ein dürstiger zu dem brunnen des
waren lebens / ein trawriger zu der freude aller heyligen
vnd engel / ein yriger zu dem weg der warheit / ein gefang
ner zu dem gwa'tigen erlöser / ein schuldiger zu dem aller
barmhertzigisten richter / vnd setz allein mein vortrawen
auff kein geschöpffe / sond' auff dich almechtigē got mein
schöpffer / erlöser vnd seligmacher . Verleych mir durch
das vnendlich groß vordienen deins schmerzliche todes
das ich also in dich vorhoffe / das mein hoffnung nit vor
gebens sey / das geschicht wan du dich auch erbarmst
vber mich armen vnwürdigen sunder Amen.

¶ Also sol sich der sunder vor vnserm herren Jesu Chri
sto ernstlich beklagen / mit fleysfigem auffmercken hertzli
cher begird der hilff gotes vñ guttem vorsatz vñ sol sich
selbs an vortzug vorteylen / darmit er nit in das gestreng v
teyl gots fal / dan es wurd ym vil zu schwer / vñ dieweyl
der mensch teglich sündet / so ist ym gar noth: das er sich
mit solcher demutiger anklag teglich reinige / vñ vorkom̄
das gerecht vorteyl gots dieweil er kein augenplick vorsich
ert ist seins lebens sonder alzeit wartē muß / wen die seel
vom leyb abgefördert / vnd fur den richterstul gefurt wer
de da yetlicher nach seinen wercken geurtteylt wirt . Lass
ym ein yeder zu hertzen gan die wort vnser heylmachers
Mathei am. xxv. capit. Ir sollen wachen dan yr wissent
weder tag noch stundt in welcher der son des menschen
kommen wirdt. ic.

19 468 B


Faint, mostly illegible text in a historical script, possibly Latin or German, covering the upper half of the page.

m.c.


X 2206782







197, 19 m



Vnerricht wie ein
Christen mensch
got seinem herin teglich beich
ten sol Doctoris Urbani
Kegij Thumpredis
gers zu Aug
sfurg.

Gedruckt zu Leypstgk
durch Wolffgang
Stöckel.

Vg
468

BIBLIOTHECA
MONICKAVIANI

UNIVERSITÄTS-BIBLIOTHEK
HALLE
(GALE)

